

ЎЗБЕКИСТОН
РЕСПУБЛИКАСИ
Хоразм вилояти
ҲОК И М И


РЕСПУБЛИКА
УЗБЕКИСТАН
Х О К И М А
Хорезмской области

=====

М.Қаландаровга

=====

Мурожаатни кўриб чиқиб, кўтарилган
масалани ўрнатилган тартибда ҳал қилиб,
натижаси ҳақида муаллифга жавоб хати
тайёрлансин.



Ф.Эрманов

ФЭ-Н-1796

“14” октябрь 2021 йил


Урганч туманлараро маъмурий
суди раиси Д.Очиловга

Аризачи:

Норбоев Маткурбон Мансурбек угли
Урганч тумани, Э.Рахим кўчасида яшовчи
Тел:93-863-88-88

Жавобгар:

Хоразм вилоят ҳокими
Урганч шаҳар Ал-Хоразмий кўчаси 29-уй



ШИКОЯТ – АРИЗА

(мансабдор шахсининг хатти-ҳаракати устидан)

Мен Норбоев Маткурбон Урганч тумани, Э.Рахим кўчасида яшайман.

2019 йил давлат хусусий шерикчилик асосида нодавлат мактабгача таълим муассасаси куришни ният қилиб, Урганч туман ҳокимлигига мурожаат қилдим.

Урганч туман ер ресурслари ва давлат кадастри бўлимининг хулосасини, давлат экологик экспертизаси хулосасини, тегишли ташкилотлар ва комиссиялар хулосаларини олганимдан кейин Урганч туман ҳокимининг 22.01.2019 йилдаги 336қ-сонли қарори билан менга Урганч тумани Қоровул қишлоғи Шодлик маҳалласи ҳудуди 102-қисм контурдан нодавлат мактабгача таълим муассасаси куриш учун жами 0,6 гектар, 60,8 балл бонитетли экин ер майдони ажратилди.

Мазкур қарорнинг 2.1-бандида “ажратилаётган 0,6 гектар ер майдонидаги тупроқнинг 40 см қалинликдаги устки унумдор қатламини кам ҳосилли ерларга ташлаб бериш” кўрсатилган.

Ушбу қарорда менга топшириқлар берилган ва мен уларни бажарганман ва АРТ 1-2 ва қурилиш лойиҳа-смета ҳужжатларини тайёрлатганман.

Шунингдек, ушбу қарорда мазкур қарорнинг тасдиғи вилоят ҳокимидан сўралсин деб кўрсатилган.

2019 йил 30 январдаги Вилоят ҳокимлиги ҳузурида корхона, муассаса, ташкилот ва фуқароларга қишлоқ хўжалигига оид бўлмаган бошқа эҳтиёжлар учун ер участкалари танлаш (ажратиш) масалаларини кўриб чиқиш бўйича вилоят комиссиясининг 52-сонли йиғилиш баёнида Урганч тумани ҳокимининг 2019 йил 22 январдаги 336қ-сонли қарори маъқулланган.

Шундан кейин ер участкасига бўлган ҳуқуқни давлат рўйхатидан ўтказиб, қурилиш ишларини бошламоқчи эдим. Лекин шу бугунги кунгача Урганч туман ер ресурслари ва давлат кадастри бўлими томонидан мени мурожаатларим рад қилиниб, ҳар хил бахоналар билан мени ишимни пайсалга солиб келмоқда.

Охирги марта 30.08.2021 йилда давлат хизматлари агентлиги орқали мурожаат қилганимда экин майдони бўлганлиги сабабли вилоят ҳокимлиги қарори тақдим қилинмаганлиги сабабли рад қилинганлигини билдирган.

Вахоланки, 2019 йил 30 январдаги вилоят комиссиясининг 52-сонли йиғилиш баёни билан Урганч тумани ҳокимининг 2019 йил 22 январдаги 336қ-сонли қарори маъқулланган.

Мен вилоят ҳокими номига 14.09.2021 йилда Урганч тумани ҳокимининг 2019 йил 22 январдаги 336қ-сонли қарорини тасдиқлаш ҳақида қарор чиқаришни

сўраб мурожаат қилдим. Лекин орадан бир ой ўтган бўлишига қарамасдан менга вилоят ҳокимлигидан жавоб хати келмади.

Ўзбекистон Республикаси “Жисмоний ва юридик шахсларнинг мурожаатлари тўғрисида”ги Қонуннинг 28-моддасида “Ариза ёки шикоят масалани мазмунан ҳал этиши шарт бўлган давлат органига, ташкилотга ёки уларнинг мансабдор шахсига келиб тушган кундан эътиборан ўн беш кун ичида, қўшимча ўрганиш ва (ёки) текшириш, қўшимча ҳужжатларни сўраб олиш талаб этилганда эса, бир ойгача бўлган муддатда кўриб чиқиладиган” деб кўрсатилган.

Ўзбекистон Республикаси Маъмурий суд ишларини юритиш тўғрисидаги Кодекснинг 27-моддасида “давлат бошқаруви органларининг, маъмурий-ҳуқуқий фаолиятни амалга оширишга ваколатли бўлган бошқа органларнинг (бундан буён матнда маъмурий органлар деб юритилади), фуқаролар ўзини ўзи бошқариш органларининг ва улар мансабдор шахсларининг қонун ҳужжатларига мос келмайдиган ҳамда фуқаролар ёки юридик шахсларнинг ҳуқуқларини ва қонун билан қўриқланадиган манфаатларини бузадиган қарорлари, ҳаракатлари (ҳаракатсизлиги) юзасидан низолашиш тўғрисидаги ишлар маъмурий суд томонидан ҳал этилиши кўрсатилган.

189-моддасида “Маъмурий органларнинг, фуқаролар ўзини ўзи бошқариш органларининг, улар мансабдор шахсларининг қарорлари, ҳаракатлари (ҳаракатсизлиги) устидан шикоят қилиш тўғрисидаги иш бўйича ҳал қилув қарори ушбу Кодекснинг 19-бобида белгиланган қоидаларга кўра суд томонидан қабул қилинади.

Суд устидан шикоят қилинаётган қарор ёки унинг айрим қисмлари ёхуд ҳаракатлар (ҳаракатсизлик) қонун ҳужжатларига зид эканлигини ҳамда аризачининг ҳуқуқлари ва қонун билан қўриқланадиган манфаатларини бузаётганлигини аниқласа, қарорни ёки унинг айрим қисмларини ҳақиқий эмас, ёхуд ҳаракатларни (ҳаракатсизликни) қонунга ҳилоф деб топиш тўғрисида ҳал қилув қарори қабул қилади деб кўрсатилган.

Мен вилоят ҳокими ўз қарори билан Урганч тумани ҳокимининг 2019 йил 22 январдаги 336қ-сонли қарорини тасдиқласа, туман ҳокими қарорида кўрсатилган “ажратилаётган 0,6 гектар ер майдонидаги тупрокнинг 40 см қалинликдаги устки унумдор қатламини кам ҳосилли ерларга ташлаб бериш” қисмини бажаришга тайёрман.

Юқоридагиларга кўра ҳамда амалдаги қонунларга мувофиқ

СЎРАЙМАН

Хоразм вилоят ҳокимлиги мансабдор шахслари хатти-ҳаракаларини қонунга ҳилоф деб топиб, вилоят ҳокимлиги зиммасига Урганч тумани ҳокимининг 2019 йил 22 январдаги 336қ-сонли қарорини тасдиқлаш мажбуриятини юклаганини

Илова: давлат божи ва почта харажати тўланганлик ҳақидаги квитанциялар, туман ҳокими қарори нусхаси ва бошқа ҳужжатлар.

Аризагўй



М.Норбоев